



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

30.08.2022

239-um-son

### **Scopus va Web of Science xalqaro ilmiy-texnik ma'lumotlar bazasidagi ilmiy jurnallarda maqola chop etishni tizimli yo'lga qo'yish va rag'batlantirish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoniga asosan va Toshkent davlat yuridik universiteti kengashining 2020-yil 21-maydagi navbatdan tashqari majlis bayoni bilan tasdiqlangan Toshkent davlat yuridik universitetini 2030-yilgacha xalqaro tan olingan tashkilotlar reytinglaridagi eng yaxshi oliy ta'lim muassasalari ro'yxatiga kiritish, shuningdek uning milliy reytingdagi o'rnini yuksaltirish bo'yicha Kompleks chora-tadbirlar rejasi ijrosini ta'minlash maqsadida

### **B U Y U R A M A N:**

1. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganligi munosabati bilan Toshkent davlat yuridik universiteti xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash to'g'risidagi nizom 1-ilovaga muvofiq tasdiqlansin.

2. Ilmiy boshqarma (I.Ergashev) Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganligi munosabati bilan Toshkent davlat yuridik universiteti (keyingi o'rinlarda – universitet) xodimlari, professor-o'qituvchilari va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash jarayonini ushbu nizom talablari asosida tashkil etilishini ta'minlasin va zarur tashkiliy chora-tadbirlarni amalga oshirsin.

3. Ilmiy faoliyat natijalari Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga ega boshqa jurnalda nashr etilganda hamda ushbu ilmiy faoliyat natijasi

Scopus yoki Web of Science ma'lumotlar bazasida indeksatsiyalanganda Universitet xodimlari, professor-o'qituvchilari va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplashga asos bo'ladi.

4. Quyidagilar:

Scopus yoki Web of Science ma'lumotlar bazasida indeksatsiyalangan huquq fanlari yo'nalishiga oid kvartilga ega jurnallarda ilmiy maqolalarni tayyorlash va nashr etish bo'yicha maxsus guruh tarkibi 2-ilovaga muvofiq;

Scopus yoki Web of Science ma'lumotlar bazasida indeksatsiyalangan huquq va ijtimoiy fanlar hamda THE Impact Ranking reytingining (Barqaror rivojlanish maqsadlari – SDGs) yo'nalishlariga oid kvartilga ega jurnallarda ilmiy maqolalarni nashr etish bo'yicha maxsus guruh tarkibi 3-ilovaga muvofiq tasdiqlansin.

THE Impact Ranking reytingining (Barqaror rivojlanish maqsadlari – SDGs) yo'nalishlari 4-ilovaga muvofiq tasdiqlansin.

5. 2022/2023 o'quv yili yakuniga qadar Scopus yoki Web of Science ma'lumotlar bazasida indeksatsiyalangan huquq fanlari yo'nalishiga oid kvartilga ega jurnallarda ilmiy maqolalarni tayyorlash va nashr etish bo'yicha 1-ilovada belgilangan maxsus guruh a'zolari – o'quv tushdagi yuklamalar va shaxsiy ish rejalaridagi vazifalaridan tashqari barcha qo'shimcha topshiriqlardan ozod etiladi.

6. Mazkur buyruqning 2 va 3-ilovalarida belgilangan maxsus guruh a'zolari (universitetning boshqa xodimlari) uchun 2022-yilning sentabr – noyabr oylarida "Ilmiy tadqiqot ishlarini samarali olib borish, Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga ega jurnallarda ilmiy maqolalarni nashr etishning usul va vositalari"ga bag'ishlangan seminar-trening (keyingi o'rinlarda – Maxsus kurs) tashkil etilsin.

7. Fakultet dekanlari kafedra mudirlari bilan birgalikda 2 va 3-ilovalarda belgilangan maxsus guruh a'zolarining kamida bitta ilmiy maqolasi nomini universitetning 2022/2023 o'quv yiliga mo'ljallangan yillik ilmiy-innovatsion ishlar rejasining "Yuqori kvartilga ega "Scopus" va "Web of Science" ilmiy-texnik ma'lumotlar bazalaridagi jurnallarda maqolalar chop etish" nomli bandiga kiritilishini ta'minlasin.

8. Maxsus kursda ishtirok etishi belgilangan har bir professor-o'qituvchiga: tadqiqot mavzusi doirasida 2022/2023- o'quv yili yakuniga qadar kamida bitta ilmiy maqolani Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga (Q1-Q3) ega jurnallarda e'lon qilish uchun taqdim etish;

Maxsus kurs yakunlanganidan so'ng Maxsus kurs dasturi asosida o'z kafedralariga (yoki turdosh kafedralarga) alohida seminarlar o'tkazish majburiyati yuklansin.

9. Ilmiy boshqarma (I.Ergashev):

Scopus yoki Web of Science ma'lumotlar bazasidagi huquq va ijtimoiy fanlar yo'nalishida kvartilga ega jurnallar ro'yxatini e'lon qilib borsin;

Bosh buxgalter (M.Parpiyev) bilan birgalikda maxsus kursni olib borish yuzasidan hamda ilmiy maqolalarni Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga ega jurnallarda e'lon qilish bo'yicha shu sohada katta tajribaga ega bo'lgan mutaxassislar belgilangan tartibda shartnoma asosida jalb etsin va boshqa zarur tashkiliy chora-tadbirlarni amalga oshirsin;

Maxsus kursni samarali tashkil etilishini muntazam ravishda muvofiqlashtirib borsin.

10. Prorektor (A.Iminov) shartnomaga muvofiq Maxsus kursni tashkil etish va Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga ega jurnallarda ilmiy maqolalarni e'lon qilish bilan bog'liq bo'lgan barcha xarajatlar belgilangan tartibda universitetning budjetdan tashqari mablag'lari va Innovatsion jamg'armasi hisobidan moliyalashtirilishini ta'minlasin.

11. Prorektor B.Xodjayev Scopus yoki Web of Science ma'lumotlar bazasida indeksatsiyalangan jurnallarda huquq va ijtimoiy fanlar yo'nalishiga oid kvartilga ega jurnallarda ilmiy maqolalarni nashr etish bo'yicha amalga oshirilgan ishlar yuzasidan universitet rahbariyatiga har chorak yakuni bo'yicha axborot berib borsin.

12. Mazkur buyruq ijrosi ustidan nazorat qilishni o'z zimnamda qoldiraman.

**Rektor**



**A.TASHKULOV**

Toshkent shahar

## **Kiritildi:**

Boshqarma boshlig'i

I.ERGASHEV



## **Kelishildi:**

Direktor

S.LATIPOV



Bosh buxgalter o'rinbosari

A.AXMURATOV



Moliya-iqtisod ishlar bo'yicha  
prorektor

A.IMINOV



Katta yuriskonsult

E.XOSILOV



Ilmiy ishlar va innovatsiyalar  
bo'yicha prorektor

B.XODJAYEV



Bo'lim boshlig'i

A.RAXIMOV



**Scopus va Web of Science xalqaro ilmiy-texnik ma'lumotlar bazasidagi ilmiy  
jurnallarda chop etilgan maqola indeksatsiyalanganligi munosabati bilan  
Toshkent davlat yuridik universiteti xodimlari, professor-o'qituvchilar va  
doktorantlariga bir martalik pul mukofotini to'lash yoki shunday ilmiy  
maqolani chop etish xarajatlarini qoplash to'g'risida  
NIZOM**

**1-bob. Umumiy qoidalar**

1. Mazkur Nizom O'zbekiston Respublikasi Prezidentining 2020-yil 29-apreldagi "O'zbekiston Respublikasida Yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son va 2019-yil 8-oktabrdagi "O'zbekiston Respublikasi Oliy ta'lim tizimini 2030-yilgacha rivojlantirish konsepsiyasini tasdiqlash to'g'risida"gi PF-5847-son Farmonlariga muvofiq, Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganligi munosabati bilan Toshkent davlat yuridik universiteti (keyingi o'rinlarda – universitet) xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash tartibini belgilaydi.

2. Universitet ishchi guruhi tomonidan universitet xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash xolislik, oshkoralik, shaffoflik va adolat tamoyillariga amal qilingan holda belgilangan mezonlar asosida ko'rib chiqiladi.

3. Ilmiy faoliyat natijalari Scopus yoki Web of Science xalqaro ilmiy-texnik ma'lumotlar bazasidagi huquq va ijtimoiy fanlar yo'nalishiga oid "Quartile"ga ega jurnalda nashr etilganda va ushbu ilmiy faoliyat natijasi Scopus yoki Web of Science ma'lumotlar bazasida indeksatsiyalanganda Universitet xodimlari, professor-o'qituvchilari va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplashga asos bo'ladi.

4. Mazkur Nizomda quyidagi tushunchalardan foydalaniladi:

**universitet ishchi guruhi** – universitet xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash uchun belgilangan muddat va tartibda Scopus va

Web of Science xalqaro ilmiy-texnik ma'lumotlar bazasidagi ilmiy jurnallarda indeksatsiyalangan maqola chop etilganligi holatini ko'rib chiqish uchun universitet rektori tomonidan tasdiqlanadigan ishchi guruh;

**xarajatlarini qoplash (kompensatsiya)** — Scopus va Web of Science xalqaro ilmiy-texnik ma'lumotlar bazasidagi to'rtinchi kvartil (Q4) ilmiy jurnallarda chop etilgan maqola indeksatsiyalanganligi munosabati bilan universitet xodimlari, professor-o'qituvchilar va doktorantlariga xarajatlarining 100 foizgacha qoplab berish uchun ushbu Nizomda belgilangan tartibda hisoblangan universitetning Innovatsion jamg'armasi hisobidan to'lab beriladigan mablag';

**indeksatsiyalanganlik** — muallif tomonidan taqdim etilgan ilmiy maqolaning Scopus yoki Web of Science ma'lumotlar bazasida indeksatsiyalangan jurnallarda haqiqatda mavjudligi.

5. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganda muallifga faqat bir martalik pul mukofot to'lanadi yoki shunday ilmiy maqolani chop etish xarajatlari qoplanadi.

6. Agar O'zbekiston Respublikasining normativ-huquqiy hujjatlarida yoki universitetning yuridik kuchi bo'yicha yuqori turuvchi boshqa ichki hujjatlarida mazkur nizomdagi rag'batlantirish nazarda tutilganidan boshqacha qoidalar belgilangan bo'lsa, ushbu normativ-huquqiy hujjat yoki yuqori turuvchi ichki hujjat qoidalari qo'llaniladi.

**2-bob. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganligi munosabati bilan universitet xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash bo'yicha universitet ishchi guruhini tashkil etish tartibi**

7. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganda muallifning arizasini ko'rib chiquvchi universitet ishchi guruhi tarkibi har yili, qoida tariqasida, tegishli o'quv yilining sentabr oyida tuziladi.

8. Universitet ishchi guruhi rektor buyrug'i bilan kamida yetti kishidan iborat etib tasdiqlanadi.

9. Universitet ishchi guruhiga boshqa a'zolari faoliyatini o'zaro umumiy muvofiqlashtiruvchi rais boshchilik qiladi. Universitet ishchi guruhiga universitet

Ilmiy ishlar va innovatsiyalar bo'yicha prorektori raislik qiladi. Universitet ishchi guruhi faoliyatini tashkiliy ta'minlash uning kotibiga yuklatiladi.

10. Universitet ishchi guruhi o'z faoliyatini kollegiallik, oshkoralik, xolislik va betaraflik prinsiplari asosida amalga oshiradi.

11. Universitet ishchi guruhi yig'ilishi bayonnoma bilan rasmiylashtiriladi. Bunda ishchi guruh yig'ilishi bayonnomalarini rasmiylashtirish ishchi guruh kotibi tomonidan amalga oshiriladi.

12. Universitet ishchi guruhi tavsiyasi ustidan shikoyatlar qabul qilinmaydi.

### **3-bob. Universiteti xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash tartibi**

13. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganda maqola muallifi (universitetda asosiy shtatda faoliyat olib boradigan xodim) ariza va to'lovlar bo'yicha asoslantiruvchi hujjatlar bilan rektor nomiga murojaat qilganda to'lov qilish ko'rib chiqiladi.

14. Chop etilgan maqola Scopus yoki Web of Science xalqaro ilmiy-texnik ma'lumotlar bazasida kamida oxirgi ikki yil ichida doimiy ravishda bo'lgan ma'lumotlar bazalaridagi jurnallarda maqola e'lon qilinganligi (ushbu talab O'zbekiston nomidan kiritiladigan jurnallarga nisbatan tatbiq etilmaydi) va indeksatsiyalanganligi Ilmiy boshqarmaning Strategik rivojlanish va xalqaro reytinglarga kirish bo'limi tomonidan aniqlanadi.

15. To'lovlar quyidagi shaxslarga to'lanadi: universitetning barcha asosiy shtatdagi xodimlari, tayanch doktorantlari va doktorantlari.

16. Scopus yoki Web of Science ma'lumotlar bazasidagi huquq va ijtimoiy fanlar yo'nalishiga oid jurnallarda maqola chop etilganda universitet nomi ko'rsatilishi hamda universitetdan ishtirok etgan muallifning universitet domeni (@tsul.uz) bilan yozilgan pochtasidan foydalanilishi lozim.

17. Ilmiy faoliyat natijalari Scopus yoki Web of Science ma'lumotlar bazasida indeksatsiyalangan huquq va ijtimoiy fanlar yo'nalishiga oid "Quartile"ga jurnalda yakka mualliflikda (xorijiy va boshqa OTM hammualliflari bilan chop etilganlar bundan mustasno) nashr etilishi lozim.

18. Scopus yoki Web of Science ma'lumotlar bazasidagi huquq va ijtimoiy fanlar yo'nalishiga oid jurnallarda chop etilgan maqola indeksatsiyalanganda mualliflarni rag'batlantirish maqsadida bir yo'la mukofotlar to'lash universitet ishchi guruhi xulosasi asosida rektor buyrug'iga ko'ra to'lanadi.

19. Scopus yoki Web of Science ma'lumotlar bazasidagi huquq va ijtimoiy fanlar yo'nalishiga oid jurnallarda chop etilgan maqola indeksatsiyalanganda mualliflarga quyida keltirilgan miqdorda bir martalik pul mukofoti to'lanadi:

birinchi kvartil (Q1) Scopus yoki Web of Science ma'lumotlar bazasi yuqori 10 foizlikka kirgan jurnalidagi har bir maqola yoki boshqa ilmiy taqdiqot natijasi uchun muallifiga bazaviy hisoblash miqdorining 25 baravari;

birinchi kvartil (Q1) Scopus yoki Web of Science ma'lumotlar bazasi yuqori 10 foizlikka kirmagan jurnalidagi har bir maqola yoki boshqa ilmiy taqdiqot natijasi uchun muallifiga bazaviy hisoblash miqdorining 20 baravari;

ikkinchi kvartil (Q2) jurnalidagi har bir maqola yoki boshqa ilmiy taqdiqot natijasi uchun muallifiga bazaviy hisoblash miqdorining 15 baravari;

uchinchi kvartil (Q3) jurnalidagi har bir maqola yoki boshqa ilmiy taqdiqot natijasi uchun muallifiga bazaviy hisoblash miqdorining 10 baravari;

to'rtinchi kvartil (Q4) jurnalidagi har bir maqola yoki boshqa ilmiy taqdiqot natijasi uchun muallifiga ilmiy chop etish bilan bog'liq xarajatlari qoplab beriladi;

Scopus ma'lumotlar bazasidagi konferensiya materiallari to'plamidagi (Q1-Q3– kvartili) chop etilgan har bir maqola indeksatsiyalanganda muallifiga va Web of Science ma'lumotlar bazasida indeksatsiyalangan jurnal e'lon qilingan har bir maqola yoki boshqa ilmiy taqdiqot natijasi uchun muallifiga bazaviy hisoblash miqdorining 10 baravari;

Scopus ma'lumotlar bazasidagi konferensiya materiallari to'plamidagi kvartil (Q4) chop etilgan har bir maqola indeksatsiyalanganda muallifiga ilmiy chop etish bilan bog'liq xarajatlari qoplab beriladi.

20. Muallifning ilmiy faoliyat natijasi Scopus yoki Web of Science ma'lumotlar bazasida indeksatsiyalangan huquq va ijtimoiy fanlar yo'nalishiga oid kvartilga ega jurnalda nashr etilganda unga maqolani nashr qilish bilan bog'liq xarajatlar quyidagilarga asosan qoplab beriladi:

ilmiy jurnal Scopus yoki Web of Science ma'lumotlar bazasiga kirgan bo'lishi;

jurnal kvartil (Q1-Q3– kvartili)ga ega bo'lgan bo'lishi;

jurnalda yoritiladigan sohalar ijtimoiy yoki yuridik fanlar (yoki SDG – barqaror taraqqiyot maqsadlari) doirasida bo'lishi;

nashr etilgan ilmiy maqola ushbu ma'lumotlar bazalarida tegishli tartibda indeksatsiyalangan bo'lishi;

maqolani nashr ettirish bilan bog'liq xarajati to'langanini tasdiqlovchi to'lov kvitansiyasi (shartnoma nusxasi, to'lovga oid bank hujjatlari v.b.) mavjud bo'lishi lozim.



21. Scopus yoki Web of Science ma'lumotlar bazasida indeksatsiyalangan huquq va ijtimoiy fanlar yo'nalishiga oid jurnallar Jeffri Bill nashriyot yoki jurnalni "sifatsiz/ sifatli" deb tasniflash mezonlari asosida tekshiriladi.

#### **4-bob. Yakunlovchi qoida**

22. Ushbu Nizom talablariga o'zgartirish kiritish tartibi belgilangan tartibda universitet rahbariyati tomonidan amalga oshiriladi.

23. Scopus va Web of Science xalqaro ilmiy-texnik ma'lumotlar bazasidagi ilmiy jurnallarda chop etilgan maqola indeksatsiyalanganligi munosabati bilan Toshkent davlat yuridik universiteti xodimlari, professor-o'qituvchilar va doktorantlariga bir martalik pul mukofotini to'lash yoki shunday ilmiy maqolani chop etish xarajatlarini qoplash jarayonlari bo'yicha kelib chiqadigan nizolar qonun hujjatlarida belgilangan tartibda hal etiladi.

**Scopus yoki Web of Science ma'lumotlar bazasida indeksatsiyalangan huquq fanlari yo'nalishiga oid kvartilga ega jurnallarda ilmiy maqolalarni tayyorlash va nashr etish bo'yicha maxsus guruh tarkibi**

- |     |   |   |   |
|-----|---|---|---|
| 1.  | Muxamedjanov Amanulla Zakirovich        | — | Xalqaro huquq va inson huquqlari kafedrası professori                                 |
| 2.  | Nematov Jo'rabek Nematilloevich         | — | Ma'muriy va moliya huquqi kafedrası professor v.b.                                    |
| 3.  | Turaboyev Ixtiyorjon Kobilovich         | — | Ma'muriy va moliya huquqi kafedrası katta o'qituvchi                                  |
| 4.  | Narziyev Otabek Sa'diyevich             | — | Xalqaro xususiy huquq kafedrası professor v.b.  |
| 5.  | Radjabov Xusain Muxammad o'g'li         | — | Biznes huquqi kafedrası kafedra mudiri  |
| 6.  | Xolmirzayev O'tkir Paxlavonovich        | — | Biznes huquqi kafedrası o'qituvchisi  |
| 7.  | Aliyeva Kamola Ravshanovna              | — | Konstitutsiyaviy huquq kafedrası dotsent v.b.   |
| 8.  | Yuldashov Abdumumin Abdugopirovich      | — | Intellektual mulk huquqi kafedrası dotsent v.b.                                       |
| 9.  | Fazilov Farxod Maratovich               | — | Jinoyat huquqi, kriminologiya va korrupsiyaga qarshi kurashish kafedrası dotsent v.b. |
| 10. | Qoryog'diyev Bobur Umidjon o'g'li       | — | Fuqarolik huquqi kafedrası o'qituvchisi   |
| 11. | Tojiboyev Sarvar Zafar o'g'li           | — | Fuqarolik huquqi kafedrası o'qituvchisi   |
| 12. | Ibodullayev Sayidkomil Bekpo'lat o'g'li | — | Xalqaro huquq va inson huquqlari kafedrası o'qituvchisi                               |

13.	Sherxanova Umida Alisher qizi	—	Xalqaro huquq va inson huquqlari kafedrası o‘qituvchisi
14.	Imamaliyeva Diyora Imamali qizi	—	Xalqaro xususiy huquq kafedrası o‘qituvchisi
15.	Axtamova Yulduz Axtamovna	—	Xalqaro xususiy huquq kafedrası o‘qituvchisi
16.	Mirzaraimov Baxodir Toxir o‘g‘li	—	Xalqaro xususiy huquq kafedrası o‘qituvchisi
17.	Djumanov Askar Xasanovich	—	Biznes huquqi kafedrası o‘qituvchisi
18.	Qalandarov Aminjon Amondullayevich	—	Biznes huquqi kafedrası o‘qituvchisi
19.	Jurayeva Asal Baxtiyevna	—	Ma‘muriy va moliya huquqi kafedrası o‘qituvchisi
20.	Xakimova Kamola Farroh qizi	—	Sud, huquqni muhofaza qiluvchi organlar va advokatura kafedrası o‘qituvchisi

**Scopus yoki Web of Science ma'lumotlar bazasida indeksatsiyalangan huquq  
va ijtimoiy fanlar hamda THE Impact Ranking reytingining  
(Barqaror rivojlanish maqsadlari – SDGs) yo'nalishlariga  
oid kvartilga ega jurnallarda ilmiy maqolalarni nashr  
etish bo'yicha maxsus guruh tarkibi**

- |     |                                     |   |  |
|-----|-------------------------------------|---|--|
| 1.  | Muratayev Serikbek Alpamisovich     | – | Davlat va huquq nazariyasi kafedrası mudiri  |
| 2.  | Bekov Ixtiyor Rustamovich           | – | Konstitutsiyaviy huquq kafedrası professori  |
| 3.  | Madiev Faxriddin Xoshim o'g'li      | – | Konstitutsiyaviy huquq kafedrası o'qituvchisi                                      |
| 4.  | Botirov Xurshid Ilyos o'g'li        | – | Konstitutsiyaviy huquq kafedrası o'qituvchisi                                      |
| 5.  | Bokiev Jaxongir Nurmatjon o'g'li    | – | Konstitutsiyaviy huquq kafedrası o'qituvchisi                                      |
| 6.  | Qosimov Botirjon Ma'rufjon o'g'li   | – | Konstitutsiyaviy huquq kafedrası dotsent v.b.                                      |
| 7.  | Sodikov Akmal Shavkat o'g'li        | – | Davlat va huquq nazariyasi kafedrası dotsent v.b.                                  |
| 8.  | Sadikov Maksudboy Abdulajonovich    | – | Davlat va huquq nazariyasi kafedrası o'qituvchisi                                  |
| 9.  | Turdaliev Jamshid Djamalovich       | – | Sud, huquqni muhofaza qiluvchi organlar va advokatura kafedrası katta o'qituvchisi |
| 10. | Achilova Liliya Ilxomovna           | – | Biznes huquqi kafedrası dotsenti   |
| 11. | Hayitov Sunnatulla Faxriddin o'g'li | – | Xalqaro huquq va inson huquqlari kafedrası o'qituvchisi                            |
| 12. | Bahramova Mohinur Bahramovna        | – | Intellektual mulk huquqi katta o'qituvchisi  |
| 13. | Raxmonova Moxichexra Nodirbek qizi  | – | Intellektual mulk huquqi o'qituvchisi  |
| 14. | Almosova Shaxnoza Sobirovna         | – | Xalqaro huquq va inson huquqlari kafedrası o'qituvchisi                            |
| 15. | Xalilova Zebiniso Erkinovna         | – | Xalqaro xususiy huquq kafedrası katta o'qituvchisi                                 |

- |  |            |   |  |
|--|------------|---|--|
| 16. Fayzulloev<br>Jobirovich           | Shohijaxon | – | Xalqaro xususiy huquq kafedrası<br>o‘qituvchisi          |
| 17. Xakberdiev<br>Komiljonovich        | Aziz       | – | Mehnat huquqi kafedrası o‘qituvchisi                     |
| 18. Yusupova Shaxzoda Toxirjon<br>qizi |            | – | Xorijiy tillar kafedrası o‘qituvchisi                    |
| 19. Rasulova<br>Ravshan qizi           | Mahbuba    | – | Xorijiy tillar kafedrası o‘qituvchisi<br>dotsent v.b.    |
| 20. Toshpo‘lotov<br>Eshpo‘lot o‘g‘li   | Shoxijaxon | – | Umumta'lim fanlar va madaniyat<br>kafedrası o‘qituvchisi |

**THE Impact Ranking reytingining (Barqaror rivojlanish maqsadlari – SDGs)  
yo'nalishlari**

<b>T/p</b>	<b>Barqaror rivojlanish maqsadlari – SDGs</b>
1.	No Poverty (Kambag'allikni oldini olish)
2.	Zero Hunger (Ochlikni oldini olish)
3.	Good health and well-being (Mustahkam sog'lik va farovonlik)
4.	Quality education (Ta'lim sifati)
5.	Gender equality (Gender tengligi)
6.	Clean water and sanitation (Toza suv va sanitariya)
7.	Affordable and clean energy (Arzon va toza energiya)
8.	Decent work and economic growth (Munosib mehnat va iqtisodiy o'sish)
9.	Industry, innovation and infrastructure (Sanoat, innovatsiyalar va infratuzilma)
10.	Reduced inequalities (Tengsizlikni qisqartirish)
11.	Sustainable cities and communities (Barqaror shaharlar va jamiyat)
12.	Responsible consumption and production (Mas'uliyatli iste'mol va ishlab chiqarish)
13.	Climate action (Iqlim harakati)
14.	Life below water (Suv ostidagi hayot)
15.	Life on land (Quruqlikdagi hayot)
16.	Peace, justice and strong institutions (Tinchlik, adolat va kuchli institutlar)
17.	Partnerships for the goals (Maqsadlar yo'lida hamkorlik)